

The Electronic *Manipulus florum*
www.manipulusflorum.com

Bellum ap
cum fonte primo

Clamor autem quem barritum uocant
prius non debet attolli
quam acies utraque se iunxerit.
Imperitorum enim uel ignauorum est
uociferari de longe
cum hostes magis terreatur,
si cum telorum ictu clamoris horror accesserit.

Pars uictorie est inimicum turbare
antequam dimices.

Vegecius libro III. capitulo XVIII.

Clamor autem quem barritum vocant
prius non debet attolli
quam acies utraque se iunxerit;
imperitorum enim vel ignavorum est
vociferari de longe,
cum hostes magis terreatur
si cum telorum ictu clamoris horror accesserit.
Semper autem studere debes
ut prior instruas aciem,
quia ex arbitrio tuo potes facere
quod tibi utile iudicas cum nullus obsistit;
deinde et tuis auges confidentiam et adversariis
fiduciam minuis, quia fortiores videntur
qui provocare non dubitant,
inimici autem incipiunt formidare
qui vident contra se acies ordinari.
Hinc additur maximum commodum,
quia tu instructus paratusque ordinantem
et trepidum adversarium praeoccupas.
Pars enim victoriae est inimicum turbare
antequam dimices.

Publius Flavius Vegetius Renatus, *Epitoma rei militaris*, 3.18.9-14 (M.D. Reeve ed., pp.101-2,
ll.24-29, 1-9).